

كافي يا حزن ما ظلت أدموع

كأبي بهمه ذائب يا عظم النوايب

\* \* \* \*

تاريخ الألم مكتوب من دم المناحر

وكل صفحة وجع تروي عن أهوال ومناكر

من جرح السقيفة والشتم فوگ المنابر

شفنا الروس مگطوعه وحل امصاب عاشر

ومن كسروا ضلع ست النساءين داسو بكریلا اضلاع لحسين

وظل فوگ التراب يا عظم النوايب

\* \* \* \*

نشكي للزمن جور آل اميه وبنی العباس

من (صفين) دارت هالرحى وضاکت الأنفاس

لا عدل وشريعته ولا حقوق تراعي الناس

بس تهجير وسجون وجثث بالخيل تتداس

شفنا الروس مرفوعه بلرماع تنزف بالدما من عظم لجراح

ومسبیه الأطایب يا عظم النوايب

\* \* \* \*

كم من (طالبي) لاگی المنیه في قيوده

واللي بالسجن ينهشم راسه في سجوده

واللي تنهدم داره على لحظة هجوده

وايتام بصحاري ترتجي للبيت عوده

شهو من ذنب ياهي الجنایه وين المصلحه وشنهى الغايه

من هاي المصاب يا عظم النوايب

\* \* \* \*

بالتشريد والتهجير والغريه ولسجون  
(أولاد البتوله) بلا عطف يا وسفه يگضون  
حتى من جثثهم بالمباني وسفه بينون  
و(سامرا) عليهم تشهد بهول اليقاسون

(بالمؤيّه) أجساد الهواشم مبنيه بلا عاطف وراحم

ويا كثر العجايب يا عظم النوايب

\* \* \* \*

(متوكل) بطش بيهم ولا كصر (المنصور)  
تاريخ المحن تحجي بعذابات هلسطور  
هذا يعمر اسجونه أو هذا يهدم الثور  
و(آل المصطفى) ما بين منحور أو مگبور

إسأل يحجي التاريخ عنهم هالي بـ (فخ) كضوا ياهو دفنهم

ما هي من الغرايب يا عظم النوايب

\* \* \* \*

وهالليله في (سامرا) كضى وكلييه صادي  
حامي الشرعه روح البضعه مولانا (إلهادي)  
سمه (المعتد) شئت زنوده والأيادي  
يم جسمه الحسن بهوممه واحزانه ينادي

يا بويه الجرى زلزل كياني تدري وش كثر بعدك أعاني

راسي والله شايب يا عظم النوايب